

月河草堂叢鈔

月河草堂叢鈔

月
河
草
堂

叢
鈔

自序

僕自幼喜究經史詞章之學肄業於杭
湖各書院者多年從周縹叟俞曲園陸
潛園郭桔仙袁孝宰戴笠青諸師游
問業於許萊盟李西岑徐小黠施均父
衛雪蕉諸先生錫師貽書以筆有英光

不落人後覺生天分甚高筆最動目此
益友也皆為余所欣賞而功夫無盡還希
自勉曲園師題贈以嗜古好學工詩古文
詞洵吾郡中後起之秀潛園師誥誠渠
純伯仲翔城中惟覺生與瀾江品學兼
優可與為友極承各師贊美之而友之叙


首最久相契最深者在杭則有王苑生
鄭壽孫陳堯夫章一山金止祥劉鼎丞
衛緇僧諸君在湖則有鈕蓮嗣徐篆香
朱彊邨嚴覲侍盧子純錢慕劉徐覺生
許左平俞恒農周說蓮施芴齋諸君一
時角執文壇人稱為盧錢徐蔣四好友

然得名師之指示益友之觀摩稍有成就
而所作本不足存半多散佚今者朝局
變更退老牖下長夏無事以課童孫偶
檢故箱見有所遺應試考課間有為師
友所竄改者彙而編之聊以付梓非敢自
炫雕蟲小技用以感師長之賞識誌之不

忘耳時戊辰夏五石瓢蔣清瑞書於月

河草堂





月河草堂叢鈔

歸安蔣清瑞案丞箸

田有禽利執言解

樽酒簋貳用缶解

田獲三品解

平秩南訛解

閏月定四時解

言曰從解

農用八政解

俟我乎堂解

夏屋渠渠解

來牟解

司命解

韓人爲皋陶解

九貉解

宵雅肄三解

資冬祁寒解

大學棗竹解

筮短龜長解

猶吾大夫崔子魯論作高子解

幽土晚寒說

幽風幽正幽頌說

曹太子來朝何休鄭康成異誼說

天子於諸侯有無下聘公羊周禮異誼說

澶淵之會晉趙武楚屈建之力說

日食月食說

滑釐非慎子名辨

隸書分書異同辨

字學韻學異同得失辨

三江攷

庸蜀羗髳微盧彭濮人攷

自河汾以後能立師道成人才考

周齊邊郡鎮戍考

俄羅斯爲元太祖後裔考

輿地之學以何本爲最精覈考

南北洋分防議

湖州水利議

周平王論

漢初三傑論

申屠嘉論

兒寬論

胡廣論

陳壽三國志帝蜀不帝魏論

李鄴侯論

陸宣公論

讀五代史死節傳不列韓通論

郭崇韜論

洛蜀黨論

朱陸異同論

南宋中興諸將論

建炎四將論

明九邊論

重修胡安定先生墓記

趙忠節祠記

吳氏續修宗譜序

楊節婦傳

王佩青先生傳

田有禽利執言解

易師六五田有禽利執言无咎註云物犯而後應往必得直故田有禽物先犯已故可以執言而先咎疏云物犯後應往必得直故往即有功如田中有禽而來犯苗若往獵之則無咎過又云此借他象以喻人事故利執言蓋謂柔得尊位陰不先唱柔不犯物物來犯已然後應之今如禽來犯苗則可獵取猶寇來犯順則可誅討否則師出無名輕動以毒天下則已先無討罪之辭安得爲直今已得直可以執此言以往問其罪也程傳云師之興必以蠻夷猾夏寇賊姦宄爲生民害不可懷柔

然後奉辭以誅之若禽獸入田中侵害稼穡於義宜獵取則獵取之又云執言奉辭也明其罪而討之也若秦皇漢武皆窮山林以索禽獸者也非田有禽也其義與註疏相發明最爲詳晰毋庸置辨惟恒卦田无禽之疏訓田爲田獵與此田中有禽之田其義較異然白虎通云四時之田總名爲田爲田除害平地之上耕作以樹五穀爲田驅除禽獸以衛五穀亦爲田田獵之田卽是田稼之田疏訓雖異其義可通至於本義訓執爲搏執訓言爲語辭意似田獵之事專利搏執並無奉辭之舉不知田獵之事原爲衛五穀起見卽如春蒐聚衆擇取